

POSJETA OPĆINI STOLAC

01.04.2025 09:45



Direktor Uprave, gosp. Željko Obradović je posjetio naseljeno mjesto Rotimlja u općini Stolac te održao sastanak sa predstavnicima komisije za izlaganje podataka premjera i katastarskog klasiranja koje se provodi na tom području općine Stolac.

Predstavnici komisije za izlaganje su predstavili dosadašnje rezultate, te informisali direktora da cijeli proces protiče u skladu s planiranim rokovima. Naime, Federalna uprava za geodetske i imovinsko-pravne poslove, Kantonalna uprava za geodetske i imovinsko-pravne poslove i općina Stolac na osnovu zajedničkog ugovora provode postupak izlaganja podatka premjera i katastarskog klasiranja na području Rotimlje i Trijebnja. U toku je prijem stranaka koje se u skladu s pozivima odazivaju i po potrebi dokumentiraju status svojih nekretnina. Nakon okončanja katastarskog dijela, koje je planirano u tekućoj godini, slijedi i uspostava zemljišne knjige za ova naseljena mjesta (k.o. Rotimlja i k.o. Trijebanj).

Dugoročni je plan da se započeti proces uspostave katastra i zemljišne knjige uspješno nastavi i za preostali dio općine Stolac i grad Stolac.